

卷

136

340.65

42

1-2

同止縣志

卷上  
劉玉懷題

180.15

同正縣誌目錄

卷一

修志原序

採訪者姓氏

位置第一

曰沿革輿圖附

卷二

營建第二

曰衙署

曰局所

議會  
農產  
黨部附

曰祠廟中山堂附

卷三

疆域第三

修志後序

修志凡例

編纂者姓氏



曰城池

曰街道

曰倉儲

曰津梁

同正縣誌

卷一

目錄

曰境界

曰村市

曰交通隘口附

曰古蹟名勝附

卷四

形勢第四

曰山嶺土宜附

曰溪澗水利附

曰田畝地力附

卷五

氣候第五

曰寒暑風雨附

曰烟瘴病患附

曰占驗災異附

卷六

物產第六

曰動物

曰植物

曰礦物

曰食貨

卷七

民籍第七

曰戶口種族附

曰禮俗嗜好附

曰方言歌謠附

卷八

人事第八

曰史乘

曰藝文

曰教育

曰實業

卷九

史治第九

曰賦稅開恤附

曰考試選舉出仕附

曰職官廉俸附

曰訟獄承審附

曰徭役

卷十

兵制第十

曰守汛警察附

曰團練盜亂附

雜記

## 同正縣續誌原序

同正縣治初名永康後乃陞而爲州前清乾隆年間州牧李公華國會修有州志自道咸之亂燬於兵燹書版俱失幸得前輩存有寫本而又多闕略已非完書迨同治年間州牧蘇公政祥聞亦續修而未獲目覩愚平日固嘗有意於此事者故借得李志錄出作爲根據以爲私家著述乃於民國十四年爲縣自治會議決重修縣志特舉愚爲編輯主任亦既蒐求草創與凡城邑之舊壤疆里之邊界山川之脈絡物類之生產以及地方之風土職官之政治故老之軼事先民之遺撰頗已得其大概維時充任師範講習所助教未遑卒業遂延擱至今民國二十一年縣政府開政治會議邑人士再提前案復舉愚爲總編纂迭次相推豈容辭責竊念此書已具端倪只得勉力從事重加刪削惟是山僻小縣本改土而爲漢風氣雖非蔽塞而世故未免湮沈文獻既不足徵見聞亦各有異蓋自咸豐已前所有事蹟多已付之闕如而由同治以迄今茲卽記憶所存亦祇及其晚近然此所攷查悉係明清之時代今者民國肇造實開數千年之新創局時勢旣已變遷政體亦多更改則諸凡設置不能不敘述詳明至民國十七年省政府復以羅陽歸併又拓數十里之舊土屬則其歷史之與地理亦不得不分行採訪增加編入此中之因革殊亦諸費商榷且史家須具才學識而志書亦史之一類顧乃不揣鄙陋任意妄作而不盡依古亦未知有合於體例否也茲書所編仍據李志自明

成化八年爲同正立縣之年起斷至民國二十一年止後此之賡續是所望於繼起之作者

中華民國二十一年 月 日

餅山野人曾此愚序

## 同正縣續志後序

民十四年九月縣議參會常會議決訂定續修縣志簡章并公推曾瓶山陸煞塵兩君爲修志局總纂時以經費有限爲期短促未克成事迨二十一年九月縣政府召集全屬行政會議復提出議案交付公決當經全體通過并公聘曾瓶山爲修志局總纂余爲修志局協纂於十一月中旬從事續纂不幸本年二月曾瓶山病故余亦多病此事遂中斷余以斯事體大非綿力所能勝任特商之教育局劉局長序經財務局楊局長煥蒙公聘陸少鴻楊介甫曾子翔三君與余同負協纂之責以竟未竟之志三月六日復繼續編纂直至本月六日始獲告竣是役也先後截分三時期曾瓶山陸煞塵開始纂輯而未成是爲第一期曾瓶山與余合纂未半而瓶山病故是爲第二期陸楊曾三君與余合纂以底於成是爲第三期一書也而必歷此三時期乃僅略具雛形尙未獲臻於妥善成書之難如是如是溯本縣自明成化八年改流迨清乾隆四十年相距已三百餘年之久其間事物之推遷不知凡幾竟無一人焉出而爲有系統之記載直待乾隆四十一年李公華國來長斯土乃有創編縣志之舉誠破天荒也詎意李公去後又聽其沈寂百餘年從未聞有着手續修者李志之後陸念堂陸雲松曾瓶山陸煞塵輩雖畧有記載然所得之材料不過前人之零編碎簡或父老之傳聞或本身經過之一瞥於本縣之遺事遺蹟鮮作有系統之研究者故其所記載不無輕重倒置卽

李志亦同此病究其所以致此之由無非根據薄弱先民偷懶之故是書在編輯內禁如亂絲茫無頭緒梳櫛剔抉諸多棘手且志例爲曾瓶山所擬以無其他材料可採又爲時間所迫今暫從曾舊所得結果自難免疏漏蕪穢之弊竊以爲修志之法務須十年一修至遲二十年一修而修志者之眼光又須以社會共同生活爲中心所有社會種種文化靡不於此焉附麗倘無社會共同生活則一切文明直等於子虛烏有深願後之修志者放大眼光力糾前人之謬庶不致喧賓奪主凌亂蕪穢之病而成一部良好之縣志以啓發縣民智德於無極云

民國二十年二七月六日楊北岑於縣城曾子翔書樓寄廬

民國重修同正縣志者姓氏

第一期編纂者

曾瓶山

第二期編纂者

曾瓶山

第三期編纂者

楊北岑

楊介甫

採訪員姓名列後

黃會之

洗居如

楊治

謝超雲

陸敘塵

楊北岑

陸少鴻

曾子翔

楊騰雲

陸心畬

馮海瀛

黃端之

陸顯倫

羅元熙

黃光甫

洗澤羣

黃聘如

王天德

陸舜廷

劉序經

章際雲

洗肇之

馬祖恩

梁統業

黃玉階

湯鶴琴

陸劍洲

陸鍾麟

楊麗峯

楊煥

曾少翔

章毅人



## 同正縣志凡例

呈繳之圖書

- 一 是書所編分爲十大綱所屬門類三十六附以子目二十四大綱之後復有小序遞相連接子目之後無條文者則用敘事或間有論說如史記之論贊其有古碑記載及士人敘論某事某物題詠某山某水之詩或文亦各列於條文之後
- 一 十大綱須有次序是以先列位置而營建而疆域而形勢而氣候而物產而民籍而人事而吏治而兵制至門類亦與大綱以類相從是以沿革一門屬之位置其衙署等七門屬之營建其境界等四門屬之疆域其山嶺等三門屬之形勢其寒暑等三門屬之氣候其動物等四門屬之物產其戶口等三門屬之民籍其史乘等四門屬之人事其賦稅等五門屬之吏治其守汛等二門屬之兵制所有子目二十四亦各於門類以次相連附之其他事實與門類子目無關係者則名爲雜記續列於後俾各有系統
- 一 沿革依據苦無多書李志而外如大清一統志讀史方輿紀要廣西通志輯要省志摘覽等書所引證者則明寫書目其後漢書文獻通考詳節御批通鑑輯覽歷代帝王年表廣西歷科題名錄等書則作爲參考不寫書目以免煩冗
- 一 是書本係編纂自非出於一手凡采訪所得或投稿者如太過長則不得不加修飾擇要登錄以求簡當

同正縣志

卷一

凡例

六

- 一 物產一類至爲繁殖每有其物而不知其字者有其字而不知其物者即礦物之字或多借用或竟無其字茲除所知外凡不知其名者只得以上名名之以俟博物家之考察
- 一 人物二字見於漢書大抵即人材之意然人自人而物自物不宜混而爲一茲書中大綱則易之以人事朱子註大學云物猶事也是事字亦可爲物字之代表
- 一 班書之有表俱用界綫橫格寫自來傳志均依此以爲式是編之官績史乘舉貢等人名則用直行寫如史記之列傳官績固如此史乘則無論男女但以年代事蹟爲先後亦不必分爲何品類舉人貢生其有小傳已見史乘者則但書何科何年於其名列於考試之後其何等議員則列於選舉之後雖蹈重複不得不然
- 一 縣治長官自明末以至清初李志尙有遺存惟乾隆以至道咸則已書闕有間即同治一代亦祇略有所聞不得盡知茲由光緒以至民國其前後有可知者則均彙載之以俟後來查考
- 一 所見志書多不載獄然民國立憲司法獨立此雖政府之治權實關於地方之人民茲特將前清之弊端略爲揭出以見黑暗之一斑庶幾監獄改良或可以尊重人道
- 一 十大綱之外其有關於地方之情形與事實不能編入門類子目者悉爲雜記以與卷首之縣治歷朝所屬地域建置襲官歸併年表相爲始終

# 同正縣誌

## 位置第一

縣屬所在必有其位置之處雖壤地偏小亦為廣西之一邑同正處邕寧之西介龍州百色兩水合流之間所謂左右江也城治偏東踞其尖汊東至合江鎮即三約八十里而遙東南至於左江約四十里而強東北至於右江約五十里而弱沿兩江上溯兩岸均鄰境表延雖有間接之通津無直接之口岸也縣城自明季由舊縣始遷於此是為立縣之始方位坐艮坤兼寅申志位置第一曰沿革輿圖附之

## 沿革

輿圖附

縣治僻處嶺表自古為白蠻舊壤溪峒深邃號為巖疆至秦始皇三十三年命尉屠睢略置嶺外三郡南海桂林象郡是為象郡地後并於越王趙佗屬南越漢元鼎五年伏波將軍路博德平兩越分置九郡南寧蒼梧鬱林合浦交州屬鬱林郡今貴州後漢建武十九年伏波將軍馬援平交州七郡朱崖儋耳不附九真日南朱崖儋耳昭帝五年已罷儋耳郡元帝三年罷朱崖郡也所過輒置郡縣始置陀陵土縣仍屬交州鬱林郡馬援傳注云七郡皆屬交州是也孫吳因之自晉

## 同正縣誌

### 卷一

### 位置 沿革

至陳為蠻獠雜居隋開皇九年馮瑰以嶺南降十七年桂州亂令孤熙討平之迨唐貞觀元年分天下為十道關內河南河東河北山南隴右淮南江南劍南嶺南屬嶺南道又分為五管廣桂邕南容安隸邕州管管御批通鑑作營當是誤寫開元二年沿景雲二年十道按察使更曰採訪處置使置邕管各羈縻州始置思同土州咸通三年分嶺南東西為二道屬嶺南西道隸安南都護邕州都督二府五代時二道復為劉隱所據屬南漢宋開寶四年潘美平南漢參唐舊制於左右二江分為五寨太平古萬濠隆永橫山陀陵土縣隸古萬寨思同土州隸太平寨至道三年分天下州軍馬為十五路京東京西河北河東陝西淮南江南荆湖南北兩浙福建川峽廣中東西屬廣南西路轉運使隸邕州皇祐五年狄青平儂智高增置廣南西道各羈縻州縣始置永康土縣及羅陽土縣均隸遷隆寨元改道為路則以太平寨屬於左江隸太平路明洪武初又改路為府隸廣西布政使司永康思同陀陵羅陽四土屬始歸附襲官成化八年永康土縣改為流官萬曆二十七年思同土州歸併永康縣始升為州清隸太平左江道康熙二十八年陀陵土縣歸併永康州光緒十一年又改為太平思順道上思歸順民國初年分全省為六道桂江梧州柳江邕南鎮南田南隸鎮南道十七年羅陽土縣歸併同正縣舊水此為同正縣歷朝所屬地域建置承襲歸併之始末也并列表如左

禹貢

周

秦

前漢

六唐

五宋

元

明

清

民國



辨山野人曰以上碑志與李志所敘襲官多出三人名一爲大村碑記之楊景初一爲大王廟碑記之楊益懋一爲讀史方輿紀要之楊雄傑李志謂宣德九年楊瓊爲亂被族而大村碑記係正統七年立去宣德九年不過八年碑中所云土官知縣楊景初當是後人追稱爲楊瓊之子而未辦承襲者故皇朝未知其名如清之籍紳錄羅陽土縣知縣黃楫係乾隆年間辦承襲此後均未辦到故平光緒年間尚沿黃楫之名此碑雖云上祖掘壞龍脈不言構亂之事以余觀之掘龍脈者乃楊武高而肇亂致滅者實楊景初罪名則歸於其父也據讀史方輿紀要又謂成化八年其裔楊雄傑糾賊被誅此自係其官族之所爲不然其剿滅時在宣德九年至成化八年始改流官中間已隔三十九年可知楊雄傑係滅後之遺孽非楊瓊明甚至大王廟碑又云原始土官楊益懋此人應在楊榮賢之前以此碑係崇禎十年立上距成化年間雖已百四五十餘年較之清一統志方輿紀要猶爲近古此兩書同引土夷考李志或未之見然官於此土似應聞見較確而乃不知有楊益懋以及楊景初楊雄傑之孰爲後先亦未免於疏漏之處綜觀各碑志所載大抵楊益懋當係楊榮賢之先代或卽由山東來始爲峒長之人故曰原始楊武高係鑿斷龍脈而楊景初則爲其孫故曰上租楊雄傑係疏遠官族其糾賊劫掠去滅絕已久故曰其裔此其理由事實固可於碑志之年代與語意而得其大概然自明洪武以上至於宋皇祐以下其間之世系則不可考矣

同正縣誌

卷一

位置沿革

當明洪武時永康縣土官楊榮賢思同州土官黃克嗣陀陵縣土官黃富各納款承襲隸太平府此係參考史志而增損之

永康縣土官楊榮賢死子武高襲武高死子瓊襲明宣德九年瓊驕肆不法構兵爲亂事聞命下都督府遣兵擒之夷其族成化八年改銓流官編戶一里仍隸太平府舊志

永康土縣治距今城西北五里一圖舊縣之裡角村

思同州土官黃克嗣死子宗勝襲宗勝死子朝容襲朝容死子崇廣襲崇廣死子威顯襲威顯死子志灝襲志灝死子澄襲澄死子寧襲寧子病癩死無嗣以堂弟淵子尙襲尙死子天賜襲天賜守法奉公正己易俗撫字恤民禁止奸盜凡婦人死必守制滿期不許遽嫁人死存骸不許火化以葬萬歷四年請府道批示遵禁各依改正傳至子承襲萬歷二十五年故絕永康知縣劉具具文申請歸併永康萬歷二十七年題如所請改流歸併陞爲永康州改鑄永康州篆共編戶三里仍隸太平府舊志

思同土州治距今城西十二里二圖思同墟之上造村

陀陵縣土官黃富死子萬寧襲萬寧酗酒狂悖妻馬氏與目民弑之以子正保襲未幾正保死以庶兄正宗襲後被馬氏糾族人黃鄧殺之目民保官族之親黃球因兇惡酗酒繫獄十八年擗死後納

大工例銀贖罪復職生子德隆德勝球死子德隆襲德隆死子學堯襲學堯酒傳至恩詔襲恩詔死子定一襲定一死子金聲襲金聲死無嗣以恩詔弟恩賜子天保襲天保死弟天舉襲天舉死子金鼎襲金鼎寓南寧中毒死絕嗣康熙二十七年知州許延邵申請歸併金鼎母趙氏痛其子被殺併力請歸併永康州康熙二十八年題奉旨依議共編戶九里舊志

陀陵土縣治距今城西八十里四圍之潤村伏權那印等村

餅山野人曰永康之爲漢縣自明成化八年始其時流官衙署仍在今之舊縣村至萬歷二十

七年思同歸併乃陞爲州然後遷於今治從前惟一帶荒林舊名陽林及坟墓磊落而已今城廂內

外掘地建築者往往猶見火化古塚可證前朝之舊俗迨本朝康熙二十八年陀陵歸併合此

三屬乃共編戶九里蓋舊縣當是宋元祐年間置故今之羅陽四結多係山東人其恩同置於

唐末當在黃巢之亂與陀陵之置於宋中自是儂寇之亂舊志亦只於明洪武時記其承襲之

始其前此之世代相傳固已不可考矣

羅陽土官世系原籍山東省青州府濰都縣人始祖黃東堂於宋皇祐四年從狄武襄征農智高有功授土道嶺峒長歷有八代至明洪武元年黃宣武征交趾有功改峒爲羅陽土縣頒發印劄世授土知縣職自清康熙八年大兵恢復南太土知縣啓祚薙髮歸正奉部頒發羅陽土縣印信到縣嗣

因啓祚年老告退子運興襲運興死子世康襲世康無嗣以啓祚次子運昌襲運昌早故子世瓚襲世瓚死無嗣以庶兄世瑾襲世瑾死子恩憲襲恩憲死無嗣以弟宏憲襲宏憲因病告休庶子煥琮襲乾隆三十九年奉部頒發羅陽縣新印後煥琮因案奉文參革以庶子雲漢襲雲漢死子楫襲因年未及歲奉委都結土知州農恩德代理嗣經族目氏公舉雲漢胞弟雲朗協理楫年滿二十五歲奉委署理縣務楫死奉委楫弟桐協理桐死奉飭查取應襲之人以楫之庶子文炳襲奉文先行署理縣務後文炳因案撤革奉飭查取應襲之人以文炳庶子均政襲因年未及歲委族叔文煜協理縣務後文煜因案參革均政年已及歲應襲縣職光緒三十二年均政被控撤任由永康州兼任彈壓民國初年永康改爲同正仍兼彈壓至十七年始奉省政府令廢羅陽土縣正式歸併爲同正縣

羅陽土縣治距今城東南十里之羅陽墟西

餅山野人曰羅陽土縣其先世亦由山東來與永康土縣於宋皇祐年間隨狄武襄征農寇有功均授爲峒主永康土縣楊榮賢之前代李志不載已不得知惟羅陽則自黃東堂至黃武宣已有八代明洪武初始改峒爲土知縣世襲則與永康同是宋元時代尙稱峒長也羅陽自明初傳至清季其間事蹟已不可考惟近世之黃文煜與黃文炳啓祚纏訟不休爲撫院調案對訊文炳病死桂林文煜既經被革而文炳之子均政年漸長與其母謀走謁府道復得繼襲均

政任事數年值盜匪蜂起請領槍枝以保衛地方頗資得力乃因買牛授耕爲土民上控致被  
撤任不復奉委承襲以世其官自是而七百餘年之基業遂從此告終矣羅陽向歸永康州承  
審民國初年永康改爲同正縣仍兼彈壓至民十七省政府將左右江所有土屬改爲流官有  
一屬可成一縣者有兩屬三屬以至四屬合成一縣者惟羅陽土縣全屬無他屬可併乃歸同  
正縣治理而彈壓故以取銷諺有云思陀羅歸併鳳凰窩至此而驗

# 同正縣全圖









